



Inatsisartunut ilaasortat,  
Jess Svane aamma Jens Immanuelson, Siumut

### § 37 naapertorlugu apeqqutip nr. 140-ip allakkatigut akissuteqarfigineqarnera

Brevdato: 20-06-2016  
Sags nr.2016 - 9254  
Dok. Nr. 11208686

Asasakka Jess Svane aamma Jens Immanuelson

Upernavimmit Nanortalimmut umiarsualivinnut tikittarneq pillugu apeqqutissinnut qujanaq.

Postboks 909  
3900 Nuuk  
Tlf.: (+299) 34 50 00  
Fax: (+299) 32 52 86  
E-mail: isan@nanoq.gl  
www.naalakkersuisut.gl

- 1. Aasami angallannerpaaffiusumi avannamut Upernavik taamatuttaarlu kujammut Nanortalik illoqarfiillu ullumikkumut aqqusaarneqassaarnikut aqqusaarlugit umiarsuup angalatinneqarsinnaanera aningaasatigut qanormita naleqarpa?**

#### Akissut:

Aallarniutugalugu erseqqissassavara Arctic Umiq Line suliffeqarfittut niuerneramik tunngaveqartut suliaqartuummat taamaattumillu Sarfaq Ittuk sumiiffinnut niuerneramik tunngaveqartumik ingerlatsisinnaaffiusut nalilernerqartunut, tikittarpoq. Tapersiissutit Arctic Umiq Line-ip amigartooruteqarnissamut qularnaveeqqusiissutit tigusartagaanni, Sarfaq Ittuup Kalaallit Nunaata kitaani suliaqarnissaa qulakkeerneqartussaavoq. Kisianni tamatumani ornigassat aalajangersimasut toqqaannartumik tikinneqartarnissaannik naalakkiinissamut maannakkorpiaq Naalakkersuisunut periarfissiisoqanngilaq.

Avannaani Upernavimmit kujataani Nanortalimmut umiarsualivinnut tikittarnissaq qanoq akeqassanersoq Naalakkersuisut ilisimasaqarfiginngilaat. Tamatumunnga pissutaavoq, oqaatigineqareersut Arctic Umiq Line ullumikkut niuerneramik tunngaveqartumik suliaqartuunera, aammalu nammineerluni tikiffissanik aalajangersimasunik pingaarnersiuisussaana.

Kisiannili amigartooruteqarnissamut qularnaveeqqusiinermut piffissaq 2016-ip naanerani naasussaavoq, tamatuma kingorna Arctic Umiq Line-p ingerlatani ingerlatiinnassanera qanorlu tamanna pissanersoq Naalakkersuisut isummerfigisussaavaat. Arctic Umiq Linep ingerlatai qanoq ingerlateqqinneqarsinnaassanersut pillugu qaammatialuit iluanni paasinarsisinneqassasoq Naalakkersuisut naatsorsuutigaat.

Naatsorsuutigaara Arctic Umiq Linep ingerlataasa ingerlateqqinneqarnissaasa erseqqinnerusumik paasinarsisinneqarnissaanut atatillugu, atugassarititaasut ingerlatseqatigiiffiup suliaqarnermini tunngavigisassai, erseqqinnerusut pillugit ingerlatseqatigiiffimmut isumaqatiginninniarnit oqaloqatiginninnerillu aallartinneqarsinnaassasut. Tassunga atatillugu atugassarititaasut erseqqinnerusut, ilanngullugu angalanermut pilersaarut, ingerlatseqatigiiffimmut

oqaloqatigiissutigissamaarpakka aammalu maannakkut angalanermut pilersaarummut sanilliullugu allatut iliuusissaasinnaasut misissussamaarlugit.

Ingerlatassat annertusinerat niuerneramik tunngaveqartut aallaavigalugit pisinnaassanersoq aamma misissuinerami ilaatinneqassaaq. Taamaattoqanngippat, ingerlatassat annertusissutigisimasinnaasaat politikikkut suliarineqassapput aammalu kiffartuunneqarnissamut isumaqatigiisummut aningaasassat pisariaqarsinnaasut ukiumoortumik aningaasanut inatsisini pingaarnersiuerami ilanngunneqassallutik.

Neriuppunga matumani akissuteqaammi apeqqutisi akineqartut.

Inussiarnersumik inuulluaqqusillunga

Knud Kristiansen